

造命宗鏡集

造命宗鏡集卷之九

大六壬類

內有不係選擇者多屬兵占從日時審神煞吉凶甚切日用故附入以資旁觸

六壬洞微賦

一氣未判清濁孰名兩儀既肇天地乃形有升有降
兮陰陽遂別因日因月兮五行遂分四時秩序顯寒
暑之令殊六氣周天表清濁之政異三才克備萬象
咸臻乾坤位列于九州宇宙地分于上下伏羲畫八
卦制六爻于四象之源黃帝受神符創六壬作三式
之一太陽爲將加時爲先因日辰陰陽以立四課原

五行尅賊而見三傳或有俱尅取比和類者爲始復
有兩比用涉害淡者爲前若都尅制日辰遙尅爲初
尅害並齊先取比和爲用反吟詳其對破伏吟責其
刑冲昴星專視從魁仰覆觀于上下八專要數陰陽
以日辰分斷先後天乙須責順逆旦暮以星出沒爲
期時或可藏昏曉爲定天牢天獄貴人不治於魁罡
日月陰陽十干不居於四正卯酉爲日月之門子午
爲陰陽之會月建同於長吏太歲比於人君日辰有
彼我之殊神將有尊卑之異貴神順治凶神少降災

殃天乙逆行吉神聊施福惠非返復何知遠近靡求
合安識親踈涉害久歷艱難昂星常懷恐怖鑄印受
職官資必定陞遷高蓋乘軒進士何愁不遂千災併
臨于九醜百福齊聚于三光懷孕宜課于玄胎避婦
須見于沃女奔波在外斬關不利於安居勞碌他鄉
遊子宜令乎遠去天牢天獄囚人遇此遭愆魄化喪
魂病者逢之必死擒奸捕盜詳閉口以能知禿失賢
愚視德刑而可見自任自信行人至亾盜非遙天煩
地煩鬼賊動非災不遠九醜家防歿喪三交室匿囚

徒八逆皆主災殃五福具生吉慶四離天寇視仲月
至分之前四絕天禍觀孟月四立之上三奇能消萬
禍六儀大集千祥狡童男淫于女洸女女淫于男冬
蛇掩目虛驚而終不妨身虎視轉蓬出外而終不回
返帷箔乃奸淫內亂解離論夫婦不貞飛魂生恍惚
驚憂飛禍則凶災產難龍德累逢詔命恩賜頻加龍
戰屢增變異疑惑不定無祿絕嗣逢之不利親姻寡
宿孤辰值此尤妨骨肉三陽凶災解散三陰作事難
成官爵必定加官富貴須知貴顯災消禍散聯茹併

立三奇亂歿兵傷伏殃遇見天寇蒿矢課憂不大彈
射內事非深終始明禍福于後先新故別死生于用
制傳中皆木因爲曲直之名課內全金乃是從革之
號炎上必居乎窰冶潤下乃應于溝渠贅媾身寄他
門姪孕必生貴子重重禍福冗冗災祥若要終于一
官失理反成萬緒假使凶神吉將不可執一而言設
若旺相休囚難于一途而取是故凶中隱吉吉內藏
凶又如太常在辰何項而遭枷禁繫勾陳臨巳捧印
而轉職墜遷青龍遊海子宜求汗漫之財白虎登山

本
好覓兵權之任騰蛇乘霧午必遂進望之心玄武

立雲丑定有干求之意太陰伏枕巳防暗昧之稽留

天后毀粧辰主陰謀之損失言詞妄誕天空有鼓舌

申之音爭訟經官朱雀有御符之兆午婚姻和合多

囚六合升堂午連累勾繫蓋謂勾陳反目午貴人較

籍寅宜求進于官中玄武持戟酉慎陰謀之內外騰

蛇墮水子驚憂凶怪皆消白虎燒身巳疾病官災自

退青龍閉目辰因財生不測之憂朱雀翱翔巳緣信

有非常之喜勾陳佩劍戌防閑訟非橫之災玄武操

戈申 慳賊害陰謀之撓太常列席丑 應逢酒饌天后

裸體巳 必主奸淫六合操笏子 宜動望於陰私天乙

趨途申 必于求于貴長騰蛇生角寅 則變禍以成祥

青龍逆鱗申酉 必因財而有訟玄武窺戶卯 防盜賊以

來臨白虎啣牒申 占行人而必至日辰年月看發用

以爲期若不盡逢視吉凶之先尅遷官進職宜視天

吏天城占雨候風但看青龍白虎逐亡追盜責度四

玄武之陰占望行人視二八卯酉之地同行失伴詳

勝光與天乙方知走失財察玄武併行年可見凡

占疾病傳中要值天醫如課凶徒式內宜逢管籥求
婚擇婦詳六合天后之方招客延賓視巳申加臨之
地大吉小吉爲勾陳訟爭田地天魁從魁作六合逃
亡奴婢功曹文字併朱禽同行一事傳送道途併白
虎應與同濟從魁主于門戶太冲元是舟車勝光法
主絲蠶河魁兼爲印綬登明徵召太乙非災神后奸
淫魁罡爭鬧傳來尅日萬事難成日往尅傳不災而
散相生旺相喜事動必不遐帶殺披刑災害來須逢
速百傳諸類取勝負有炁爲先直事先鋒以陰陽占

時爲始旺氣事求官職招氣法主財源囚休擬于病
獄死无定遭喪亡土神動土移動宅田金神加金遷
移分異火來入水驚恐失畜亡財木往加金女人口
舌之兆終來生始歡樂無休末去尅初憂愁不已先
凶後吉終成喜慶之徵始吉終凶必有悲憂之兆孟
神若爲發用事應親眷季將如尅初傳必占早配三
傳須緊仍看日干支辰一式要全便視行年本命將
神內戰以爲凶上下比和而作吉用神旺相事主將
來設若休囚應爲過去死氣若臨白虎加尅罡定主

歿喪囚神入見勾陳直朱禽必遭刑獄青龍臨午而
破敗白虎加申而得音逢災遇禍課中悉備凶神招
福來祥式內皆逢吉將是故示途提握萬欲難避寸
陰未改萬象俄分爲將軍玉帳之珍乃戰勝金門之
寶六壬輿妙吉凶安讓乎著龜占式幽玄成敗豈下
於卜筮今將管見謬探玄微有驗備書無規不錄

大六壬一書汗牛充棟窮年莫殫而無如洞微賦
占式抉輿剖晰吉凶如指諸掌賦中所云玉帳之
珍金門之寶洵非虛矣因輯之爲六壬總括云

六壬起例

日辰課體

甲寄居寅乙寄辰還將丙戊巳官尋未支丁巳藏功用申地庚金作主盟辛在戌官癸寄丑壬干原寄在登明二盤四正無差錯運式通靈動鬼神

一尅賊

用課先從下賊呼如無方取上爲初傳初本末爲中次中上加臨是末居

日上神爲日之陽神日上神之上所得爲日之陰

神辰上神爲辰之陽神辰上神之上所得爲辰之
陰神四課之中察其五行取相尅爲用先取下賊
上爲用如無下賊上卽以上尅下爲用如二位或
三四位下賊上如二位三四位上賊下則看比者
爲用

二比用

下賊二三四相仍若逢上尅亦同云常將天日比神
用陽日月陽陰用陰

陽日陽神爲比陰日陰神爲比或俱比或俱不比

則看涉害

三涉害

涉害行來本家止多尅便須爲用起孟深仲淺季當
休復等柔辰剛日擬

涉害遇地盤孟深仲淺季則尤淺也取用深者取
傳若復相等陽日用日上神陰日用辰上神

四遙尅

四課無尅號爲遙日與神兮遙互交先取神遙尅其
日如無方取日來梟

凡四課陰陽皆不相尅以遙相尅爲用若日遙尅神遙尅日先取神遙尅日爲用如無神遙尅日始取日遙尅神爲用若日尅兩神或兩神尅日亦以今日比者爲用若四課之中又無遙相尅當以昴星爲用

五昴星

無尅當以昴星窮陽仰陰伏認得真陽日先辰而後日陰日先日而後辰

陽日仰視酉上所得之神爲用陰日俯視從魁所

臨之神爲用中末分陰陽日辰上互取陽日先傳辰後傳日陰日先傳日後傳辰

六伏吟

查得丁巳辛丑卯巳未四支無尅惟卯日未傳取子冲午餘三支取相刑

六甲伏吟寅巳申六丙六戊巳申寅六乙辰戌未取上六庚申寅巳有刑六癸亦尋丑戌未壬辰壬午亥巳申更有四吟別立法日先辰次末刑寅六巳辛丁臨亥酉辰先日次末須刑丑卯巳未更無尅辰刑盡處是傳辰巳上伏吟十五法剛日柔辰在末分

天地伏吟返吟課有相尅者並以比用涉害等例

爲用惟乙癸二千柔日課有尅癸丑一日猶屬八
專六乙有尅自刑當以尅處爲課首次傳其冲冲
所刑爲六傳六癸有尅當以尅處爲課首盡刑爲
三傳伏吟無尅者剛以日上神柔以辰上神爲課
首皆以盡刑爲三傳若用得自刑者剛日初先傳
日次却傳辰辰所刑爲終傳次傳若更自刑者以
次傳所冲爲終傳

七返吟

返吟有尅尅初生理合先衝而後刑次傳若在自刑

者須求破法是元因惟有六箇無尅神丑未配于丁巳辛丑日登明未太乙辰中日未定其真

返吟課多相尅惟丁丑巳丑辛丑丁未巳未辛未無尅丁未巳未猶屬八專餘四柔日丑無尅以丑官癸水遙射巳官戊土未無尅以未官巳土遙射亥官甲木故丑日以巳上亥神爲用未日以亥上巳神爲用作初傳皆以辰上爲次傳日上爲終傳故名井欄射

寅刑巳 巳刑申 申刑寅 爲無恩之刑

未刑丑 丑刑戌 戌刑未 爲恃勢之刑

子刑卯 卯刑子 爲無禮之刑

辰 午 酉 亥 爲自刑

辰破丑冲未 亥破寅冲申 午破卯冲酉 酉破子冲午 申破巳冲亥

戌破未冲丑 剋擇相冲爲破

八別責

四課不傳三課備無剋無遙別責視剛日干合上頭
神柔日支前三合是須尋天上作初傳中末重來且
上置

四課無相尅更陰陽不備之時當以別責爲用別責之課其數有九剛日有三課戊辰戊午丙辰各止一課柔日有六課辛未辛丑各有二課丁酉辛酉亦止一課剛日別責于合上神爲課首次傳日上同終傳柔日別責取其日支三合前一神居天上爲課首次傳日上同終傳

剛日尋地盤合神上在天盤上者爲用如

戊日戊與癸合就于丑天盤神爲用是也柔日尋地盤支辰就于支辰前尋天盤三合神爲用

九八專

八專之日號無姪有尅比並涉害深無尅須當順逆

數數時仍復看陽陰剛日便從陽順去柔日還從陰逆尋皆數三神爲發用傳終日上合天心有時數到日辰上三傳飛散莫重臨正月巳未酉時用獨腳課兮難可尋

八專之日惟有兩課有尅者亦以比及涉害深者爲用若無尅剛日從日之陽神順數三神爲用柔日從第二課陰神逆數三神爲用終末俱重在日上又有一課名獨腳正月巳未日酉時占從酉逆數至日辰上則三傳飛散如常課之法

次客

換時不換將

次客之法須要明陽將後三前五併陰將前五後三取依此用之占有靈

假令初有一人占事用正月陽將登明加正時以本課斷次二人用前五天罡次三人用後三大吉次四人用五勝光次五人用後三太冲次六人用前五傳送次七人用後三太乙次八人用前五天魁次九人用後三小吉次十人用前五神后次十一人用後三從魁次十二人用前五功曹次十三

人用後三登明則復本課矣陰將做此

日辰體用

占功名日爲廣文辰爲場屋日爲舉子辰爲題目

占家宅以日爲人辰爲宅 占求望日爲我辰爲他

占訟日爲起詞辰爲對者 占婚姻日爲夫辰爲妻

占官職日爲占人辰爲職品 占病以日爲人辰爲

醫藥病處 占買賣以日爲人辰爲物 占交加博

奕以日爲我辰爲他又以日爲我物辰爲彼物日吉

我物好支吉彼物好 占建宅以日爲主人辰爲宅

墓屋宇店業 占安墳以日爲亡者或生墳則看其
欲用之人年月日以辰爲墳爲地 占天庭求事以
日爲舉主辰爲臣我爲身 占尊卑以日爲長辰爲
卑 占僕以日爲主辰爲僕 占動靜以日爲動來
辰爲靜應若我去卽我是日彼應爲辰若彼來則彼
是日我應爲辰蓋于常動而不靜支常靜而不動故
取其動者爲來爲去取其靜者爲應也

日上神生日所爲百事吉常占財物運用種種如意
遇災不凶日將乃人相佐助夜將主陰福護持季將

則聲譽顯達若歲命生日尤吉但不宜作空及三傳入空亡脫盜之鄉爲得不足以償費

日上神尅日只利先入有氣訟獄者皆不吉病者有鬼訟者有凶常占爲賊或爲人所欺所負或口舌不寧種種防備日神是人相損夜將乃鬼爲殃旺相猶可囚歿立至日陰尅日凡事抑塞

日生上神虛費百出冗事多端望謀不遂被盜費財
走失血氣人口衰殘若更休囚尤重又爲子孫事及
脫漏被盜更天將尤脫或作空亡或乘天空凡虛詐

無實皆不足信

日尅上神吉將妻利財獲凶將妻災財散若傳中有
魁則財被魁使

日上見同類論刑合更以天官言之

日上生辰辰上生日或日辰上俱各自受生者兩家
利順各有生意

日上尅辰辰上尅日凡事離散或日辰俱受上神尅
者兩有相傷

日上脫辰辰上脫日主我脫他他亦脫我遞互相脫

東手來西手去或日辰上皆乘脫氣者彼此俱脫乘
玄武尤甚

日上見辰旺辰上見日旺或日辰上自見旺不利謀
動變爲羅網只利坐謀坐用必然通泰

日上見祿馬主榮名爲遙動日上見辰馬辰上見日
祿君子遷轉小人反主身動宅遷有災又日之祿神
寄於支上凡占不自尊大受屈折於人

日辰上見德神利進發乘吉將尤佳

日辰上作六合或日辰上神互換相合爲神和道合

之義主交易交加而成凡事和順但不利占解散主
事蹉跎

日辰上皆墓神如人處雲霧中而多昏暗宅舍亦無
光輝多是黑暗之室凡占彼此俱不亨通書曰鬼墓
加干主暗昧如甲乙丑丙丁辰戊巳未庚辛戌壬癸
辰蓋揜持萬物隱匿陰私無過于墓倘使鬼墓加干
則凶兆尤甚若明見其鬼暗昧不明倚草附木借姓
假名卒不可治訟病大忌經云墓住鬼中危疑者甚
假如甲子日丑宮夜貴是也如四課三傳年命有破

墓子孫之神則凶不凶也

日辰坐於墓上猶不比支干上乘墓坐墓者是心肯
意肯性情願坐于墓上乃自招暗昧凡事皆本身甘
招其悔家宅亦曾借與人作踐而不能脫也

日辰上有刑者賓主不投彼此皆懷嫉惡不可同謀
事必有異

日辰上下作六害或上神有六害彼此各有猜忌主
客不相顧接兩有謀害之心

日辰上皆逢敗氣者主身氣衰敗宅舍傾頽日漸狼

狽竟無所成切不宜追捕及訟首他人姦私如到官
必被牽纏同罪

日辰上值絕神惟宜結絕舊事事則詳類而言

日辰上逢死氣凡占宜休息不利動止空亾解凶

日上空亾事不如意凡事虛聲無實

日上課不足自身不足心意反覆憂愁憔悴欲行不
行欲止不止

辰上課不足家宅不寧或遷移仍主陰小災殃

辰上日見魁罡占者不自由凡事暗昧不和離散凶

舌並作六合加日辰發用主欲隱身避難欺詐私門
若乘蛇虎加臨或爲用定有折傷之厄

日辰見卯酉爲阻隔又日卯爲阻隔爲失約干支相
加吉凶詳斷於後

干爲人主動辰爲宅主靜若干加支占人必來訪人
必見利靜不利動利入不利出宜占內事不宜占外
事常占無事

支爲內干爲外若支加干占內不來訪人不在利動
不利靜利出不利入宜占外事不宜占內事常占主

動搖不寧

干神臨支爲支所尅名曰自取亂首乃我不合去也
必爲卑所犯事體稍輕

支神臨干尅干名上門亂首以下犯上事體尤重或
下人病牽上或僕奴事累主或子弟犯父兄或下民
犯官吏或奴犯主皆上門亂首也更生將凶尤重空
亡解神庶幾消散

干神臨支受生名俯就格以尊從卑以上從下初雖
少難而終逸樂凡百運用取索皆強勉成之而後遂

不至于不成

支神臨于生干名自在格凡百謀事彼自有相從之意亦不得此間再四求之凡事是支順從我擁護我趨我上門生我上門惠我家人義凡事理順不勞餘力

干神臨支生支名歷虛格若他來求生是不得已而與之與不與在我而已干情願自上門而屈就與之則我之所有傾倒之矣只可謂之人去生宅人衰宅旺宅旺則不能旺人常占財散人疲凡百求謀虛費

無所得

支神臨于脫干名偃蹇格亦名求受遇此者費財竭力終不濟事亦主虛耗走失及人僕兩失之象兼男女債負或僧道提任或安立宅可當遇之常占反橫耗遺失

于神臨支尅支求受格求而受之雖費力却得其財無空方吉

支神臨于受尅謂支自來格又名贅婿課

于神臨支同類名培本格遇凶不致極凶遇吉培宜

尤吉更看吉凶消息如何

支干相加無尅乘吉將謀事必成尋人必見望人必來

支神臨干同類相培名壯基格謂支來培植于干自然根基壯盛

課傳斷論

凡事始末係之三傳以初中末爲次第或初凶而末吉初雖艱難終且有成或初吉而中末凶者初雖合而中末凶中吉事雖合無終始

支課有凶中之吉如伏吟重審涉害虎視謀體雖凶然神將旺而互合事雖遲終有成如元首鑄印龍德之課體雖吉然神將囚死而且凶事雖合終無成

夫用神有廟樂有刑破用神到廟樂之鄉喜事愈善用神空亾在本家凶事不爲實也凶將帶煞凶事在旦夕空亾生虛聲而無實官事遇空亾無刑獄罪也凡事太歲不爲空

事遇一重合須逢却有成二重合事可約而成三重合事成頃刻中

凡占進用者須見有氣爲吉欲解散事反以無氣爲吉

占遇空亡者吉凶皆無成欲爲近事過旬可占遠事則終難爲用

天將受尅爲內戰雖吉有咎尅神在外爲昇戰雖凶亦可解

壬課每以末傳爲尅期凶事取末傳衝處所臨神爲散期吉事取末傳合處所臨爲成期全在占者變通最要看旺相休囚氣舍此而求壬課驗亦淺矣

發用者乃繫日辰占時得來者之情也凡遇剋日辰
爲用罕有吉者經日用太歲吉凶應在一年用月建
應在一月用日不出日用時不出時用節氣在半月
用四立日辰應在一季之中凡事得失決在傳爲繫
要也

夫陽者乃見其象而歸於陰若四課相傳遞相交代
者捕盜則於玄武之陰乃見盜之勝負又如訪人求
其日德日德之陰乃見其人之情性求財視青龍龍
之陰驗其得失是知日辰有陰陽乃成四課初末中

爲三傳夫陰陽者無有不備者如物之有影動之有歸行之有止知陰陽之情而天地萬物之情見矣

初傳爲心之所事事之所向故曰用神要神將比和上下相生爲吉若逢祿舉事勝心事危有救

用在日上兩課爲外事遠去辰上兩課爲內事在目前

用第一二課兼天乙順行在貴人前不問吉凶應事必速

用第三四課兼天乙逆行在貴人後不問吉凶應事

必遲

用第四課名驀越課凡事出于驀然或驀成失物多爲別人占

用下賊上尊長有厄利女子事從內起利後應

用下賊上天官又下剋者名逼迫殺主身不自由受人驅策被人抑伏若夾財神必財不由已而費

用或日之同類受剋乃自身不由已惟日鬼受剋極妙

用下賊上天盤又剋天官者謂之天官內戰凡事將

成或合被人攪擾不足又云內戰憂重吉凶皆減外
戰憂輕

用天官入廟而月將居中剋天官地盤者謂之隔將
阻斷難容

用臨長生大遂臨死敗事必毀壞臨絕地事事了人
來信至用鬼事發舉動不利用墓往凶止不發墓加
長生舊事再發用害雖吉將亦難阻疑惑又云棄一
事成一事用刑百事不利用破衝事雖得亦傾覆用
空亡憂喜皆不成謀事出旬託人多詐聞事不實用

剋才臨命只利求財用剋才求事難遂用天馬驛馬
剋日辰本命損首足忌乘馬登舟用月厭作事不成
用喪吊事干有服人

中傳爲事體中間一段母傳子則順子傳母則逆鬼
主事懷墓主事止害爲折腰鬼事體不成

末傳爲事之結果經曰發用在初決事在末最爲緊
切若用神受下剋賊而制之可以反凶成吉末剋初
爲終來剋始遊行萬里入水不溺入火不燒病甦災
止破害有阻吉凶皆不成逢空亾事無結果

課傳總論

初傳在干前末傳干後或初傳在支前末傳在支後
爲前引後從引從天干者主陞官引從地支者主遷
宅

三傳自干上發用傳歸支上主我去求人幹事自支
上發用傳歸干上主他來托我幹事

書云三傳朝日分吉凶朝日者有兩等有支上發用
傳歸干上者有他處發用傳干上者更看吉凶如
何若神吉傳吉則主謀事成合財不求自至福無心

中得若神凶傳凶則禍福不測諺云閉門屋裏坐禍
從天上來唯憂占病生產行人並不要見如丙寅日
干上午三傳辰午申戌寅日干上戌三傳子亥戌外
有干朝支者如臣使君和子使父不免俯就于人抑
勒不得自由旺相猶可死絕更凶乃利卑不利尊利
靜不利動也如甲午日干上辰三傳辰午申甲木傳
入死地何緣會奸行人來疾者必死丁亥日干上酉
三傳酉亥丑被財貴人引入絕墓大不利于貴人交
易用才反有所危庚辰日干上午三傳午辰寅此乃

支助刑鬼反害尊長或有他處祭傳朝干朝支同

三傳不離支干

支干

不離三傳求物得謀事遂行人回

賊不出鄉逃不禿脫

三傳不離四課號曰如珠走盤書曰四課盤珠謀事成若書則成吉凶則成凶惟忌占訟病憂產四事皆不中假如辛亥日干上酉三傳戊酉申戊子日干上子三傳子未寅是也經曰陰陽間隔內藏外索心成慮破此例極多詳而用之庚申甲申庚寅甲寅癸丑癸未反吟同

三傳日辰互換三合遞相牽連卒未了當占事更翻覆云又看全脫全鬼以定其事

全脫者如庚申日干上子三傳辰申子庚子日干上辰三傳子申辰又干上子三傳辰申子甲午日干上午三傳寅午戌庚辰日子加辰三傳子申辰此是全脫多主互相脫賺卒無了當用事不成脫事未脫求財費力中得病遲

全生者如丁亥日未加亥三傳未卯亥又亥加丁三傳亥卯未丁卯日卯加丁三傳未卯亥又未加卯三

傳未亥卯癸酉日巳加酉三傳巳丑酉又巳加癸三
傳巳丑酉

全鬼者如亥日亥加未三傳亥卯未又未加亥三傳
未卯亥

全財全兄弟者並載巳上更視天將吉凶以斷其事
皆不出窮究吉應其吉凶應其凶生我者益我盜

我者

害我假如三傳全鬼本爲凶兆若年命日辰四處有
子孫爻則制鬼有父母爻奪其煞氣與日干旺相鬼
勢休囚皆無患矣脫氣要見父母全生不可見財宜

更詳之三合中一字合乃空虛也

四課三傳皆在六陽之位宜占天庭事動達高尊但
畏空亾君子減力常人反吉若在六陰之位名瞶朦
格事有陰謀之象凡百昏迷不得顯明俱是暗迷

四課陰陽不足所望不成凡事不遂

三傳生日大吉百事利益更有休旺論曰後季來生
喜當遇前季來生福大奇見在之季來生我且盡眼
前稱所宜三傳受日生謂之盜氣諸占各無喜志增
益三傳剋日爲鬼鬼多反爲無凶更分休旺三傳受

日尅爲財財多反生不足三傳與日同類或乘凶時
防兄弟連累破財

三傳初生中中生末末生日干或末生中中生初初
生日干此必隔三隔四有人于上位推薦幹事則始
終成

三傳初剋中中剋末末剋日干或末剋中中剋初初
尅日干此必有人遞相殘害衆口欺凌或日前曾爲
凶橫遂被鄰人常狀訐訴在朝官得此宜自簡束隄
防合臺上言彈劾或不剋日干亦同斷若干剋初初

剋中中剋末爲財求財大獲此法極驗

初傳日之長生末爲干之墓爲有始無終初傳干墓
未干之長生爲先難後易得也

三傳合日辰上下皆合緊則不得動要尋日月冲破
方動

三傳吉者不要冲蓋吉遇冲則破矣凶課遇冲則凶
散開凶課要刑冲剋破休衰却又不可以凶論

三傳日辰全逢下賊上者全無和氣訟必刑病必死
事不雅必家法不正或自雇害或醜事出于堂中以

致爭競

傳進宜進傳退宜退旺宜變通有氣衰則宜守位力
微傳太歲合天庭三合事成有氣得進神而合日辰
者所謀必遂不合者宜隔手用事雖謀成必遲退神
者退事必無成傳順貴人順百事順逆則百事逆傳
關隔多艱阻傳若在日辰發用未發日辰并百事宜
遲

三傳離日遠凡事難成惟避難占訟災退則無成三
傳生日占訟輕有理則全不費力無理亦不致凶三

傳剋日至凶冲破其凶神則吉如癸日辰戌未初蛇
中勾末虎是戌冲辰虎冲蛇以反爲辰所墓凶則無
矣傳入盜氣只宜散事防失物更加蛇虎空玄之神
主托人不得力官事反覆

論夾定三傳

書曰三課夾定分事類如課中有日辰夾定三傳視
天將吉凶若乘凶將凶不可逃若乘吉將吉不可迫
唯宜成合諸事若占憂占病占訟占行人占產皆不
利也外有透出支干外者則先緊後慢更看所夾如

何若是夾財則利求財不利病訟若夾官則利求官
不利病訟若夾脫氣利憂病而不利用事利占孕不
利占產若夾生氣利占用事不利憂散若夾兄弟則
百事不利若夾空亡則事名虛喜枉用其心竟無實
效如乙丑日干上加巳三傳寅丑卯寅辰卯壬申日
干上戌三傳戌酉申庚子日干上未三傳戌酉申辛
丑日干上酉三傳子亥戌■甲戌日干上丑三傳子
亥戌癸巳日干上子三傳卯寅丑外有日辰雖若夾
定三傳如日辰上或乘空亡則謂之遇夾不夾始因

終急有名無實過後失時失干機密返成透失有凶不致于死有吉不成于喜

有三傳雖在日辰中間而前欠一位或後失一位謂之夾定虛一格此例占格多有小節不圓更看所虛者若是今日之財則因財上不足不能成事若是官鬼則因官事外生不足若是同類則手足朋友不足若是子孫則卑下不足作用不足若父母則長上不足文字不足更看天將吉凶以言

假如丁卯日干上申三傳辰巳午欠一未字乃今日

之脫氣子孫爻夜將朱雀則主卑下文字口舌不足
日貴勾陳則主子孫舊事牽迫如辛丑日干上申三
傳亥酉未壬午日干上酉三傳寅子戌乙酉日干上
寅三傳未巳卯丙戌日干上卯三傳丑亥酉辛卯日
干上申三傳丑亥酉餘倣此

又一等名透關格者號曰時不當時過後失時凡事
主失時或心力不逮致使已成了事爲奸人破用假
如甲子日丑寅三傳子亥戌此例成吉透者乃自干
上傳出支外經曰夾定位不在其中又云有所透者

是鬼爻則反吉成凶主破財若是退茹透出者因施
慢而有所不及進茹透出者因進之過反成不及若
是干透出支不利外事主有廻還之意先動後靜支
透出干者不利內事唯宜出外動也支朝于干朝支
此之透出也吉凶尤緊蓋不能透出干外也必庚午
日干上未三傳午未申癸卯日干上子三傳丑子亥
乙巳日干上卯三傳辰卯寅辛亥日干上酉三傳戌
酉申癸酉日干上卯三傳丑卯巳丙子日干上未三
傳辰午申戊子日干上未三傳辰午申庚辰日干上

戊三傳申戌子

課傳消息凡例

凡占專以類神爲主或不入傳神并年命日辰但以所占事類決之如占失脫雖玄武并脫氣或日鬼不在六處但求其所居生剋刑合喜畏言其方所色日其餘所占萬類皆如其說

凡課體取用只論生剋二字生我者爲父母爲印綬爲恩主我生者爲子孫爲盜氣剋我者爲官星爲鬼賊我剋者爲妻妾財氣

凡占先當論其過去見在未來次當視其所立之方所行之地如何今人不當爲分別見生便說有生見財便說有財見鬼便說有鬼見救便說有救殊不知有五等遇而不遇日見生不如無生見尅不尅不如從其鬼■賊見財無財枉費心懷見救不救實須自受見盜不盜本根可保是也

見生不生者如甲乙日亥爲生其亥水居于申地他自戀生不來生我亥子水居辰戌丑未之上爲土所制從日辰行年上見之亦不能生我至於亥水入空

則凶甚既生我者空占父母上人病主不救占于官長亦是徒然

見剋不剋者如甲乙日申酉爲鬼其金居巳午火地他自受剋何暇剋我或申酉坐戌丑未之上他自戀生亦不來剋我若陷空亾亦不能爲惡惟鬼作空亾加日辰年上無制伏者極凶或失人口或犯官私所費百出

見財無財如甲乙日者以辰戌丑未爲財其財居寅卯上不可取也或申酉脫氣之上反有所費或作空

陷亦不吉也

見救不救者如甲乙者傳內先有申酉金于丑辰見巳午火乃爲救神若亥子居巳午之間或巳午支隔空或在寅卯上自貪生皆不能爲救而反爲災如不見日鬼卽盜也

見盜不盜者如甲乙日見巳午居亥子之方或陷空亡皆不能爲盜氣

凡傳課中父母見則憂子息兄弟見則憂妻財子孫見則憂官祿妻財見則憂父母不妨生計或被妻悖

遊公姑惟日干上乘干鬼使父母反無災矣父母見而日辰年命上見兄弟則子孫無憂子息見而財爻臨干則兄弟無憂同類見而子息臨干則子生而同類受泄反主妻宮無恙而財亦豐矣

凡課取成合之期如寅午戌日要見天空則候戌月戌日成就也又如間課名折要三合待中傳對冲一辰爲尅應之日以成就謂之虛一待用又曰陽神取絕日爲驗陰神取墓日爲驗

凡課視歲月建日辰氣候見在過去未來日期凶則

取刑與墓絕吉則取合生旺更以初傳之上及末傳之陰冲合之日或墓神對冲之日上下辰隨事言之凡課占動衆有五辰戌爲部領之衆反吟連茹爲牽連之衆三合爲兄弟朋友之衆同類爲眷屬之衆

年命

命爲身之應所占與日干同大要常占不得與歲月日上神相傷各視其相得者其喜占事則宜與日及類神相生得合

命上見財問財吉逢鬼主官病父母兄弟子孫依法

推詳

年爲用之助大要不得與日用相傷剋日爲不及剋用事不成

年命上神與太歲爲刑常人主官府憂疑事若逢太歲乘天乙臨之大人有天庭文書恩澤之喜或主橫發得官

命上見月將大能除一切凶禍見解神主火燭驚疑年命上見魁罡作凶將百事不利

年命上見二馬遷官奉詔出行大吉若見破爲用主

疑惑無定向

年命上見天喜又乘吉將凡事吉慶

年命上見月厭作死氣主有冤家人鬼相逼見血忌
有車馬驚恐

年命上見凶將乘傳送主疾病服藥乘登明主水厄
貴人臨命非常喜處設若剋命有官事亦不成凶騰
蛇臨命非常疑滯白虎主鬪狠剋命者災或乘死氣
其人不出一月病不過四十九日死更乘金殺尤凶
乘生氣剋命有傳屍勞瘵之疾

行年大綱

大綱卽是生旺好得時得計自然昌春得寅卯辰全
主縱有凶神亦不殃更得當時天將好牡丹花發向
春方

太歲

太歲主天元一氣號令四時五行之標歲功之本而
人莫能犯之上主天庭王者之事太歲作貴人不必
入傳皆有助救也公訟主得貴人之力唯不救病耳
入傳而爲鬼者則凶甚矣月建次之在傳主一年吉

凶之事如今年子或傳亥子丑定是隔年事或戌亥
子是二三年之事若月建在內傳則二三月事行年
上見太歲中末見建則盡今年一年事也初見太歲
中末見月建或日辰謂之移遠就近以緩爲速太歲
立年生我最吉我生亦吉或貴人扶我或用神來剋
我雖凶有救尚可免若我剋之凶尤重小事成大

月將

月將太陽也幽明之司動靜之機禍福之始若入傳
爲福不淺月建運天而左旋月將稟地道而右轉是

以左爲天關右爲地軸占病見之爲救神他占爲天心臨日主動發用爲就龍德當有天恩之吉

占時

占時者乃人之神機符合自然激發禍福之原推測吉凶之首故三傳非時不發月將不加故三傳與時不可傷甲乙日用金時加金憂爭財病痛爲事不成戊巳用木丙丁用水庚辛用火壬癸用土皆時尅日用又助之謀事俱凶天網四張萬物盡傷

八殺辨論

干有德合鬼墓支藏破害刑冲看其生旺休囚審其
親踈關隔德爲吉慶合乃成期鬼傷殘墓乃蒙昧破
須傾害必侵爭刑分弱強冲則動搖此理簡明爲式
中之關鍵也

刑者傷也殘也上下不相和剛柔不相變其名有四
自刑者辰午酉亥自刑相害落敗而別更改自是自
逞自刑自受死非正命無禮刑者子刑卯死敗相刑
門戶不利尊卑不睦大蕩小淫卯刑子明入晦出水
陸不通子息不律無恩刑者寅刑巳中有害舉動艱

難官事災害被刑我聞主事生巳刑申刑中有合長
幼不順動而後成先犯後合被刑我解讐將恩報申
刑寅刑中有破人鬼相侵男女相係被刑我動殘賊
共施若乘吉將當有逢喜恃勢刑者丑刑戌刑中暗
鬼責刑殘大忌小有撓不明主刑禁官事戌刑未刑
中有破卑少凌壯妻財必豐舉事不利未刑丑刑中
亦破大小不和兄弟不順或見喪服要曰刑者罰也
發用逢之禍無不至刑干則憂男傷刑辰則憂女病
時傷干則憂小人用刑時則不利旺刑衰則病無邊

死刑旺則災禍起善刑惡則無憂惡刑善則凶至也
刑月建者不可訟人刑日陰者不可遠行刑支干不
安干刑速支刑遲日辰破刑尤凶也

又曰上下相刑又是日鬼發用氣相乘反反覆公私
之擾凡事費力更見騰蛇血忌血支占下墮胎主孕
血光之災雖有德神謂之尊卑不分占門戶主人災
逆得中有失百事有阻天將吉可以少解小遂惟幹
事忌之

衝者使動也初雖有得後必傾覆在日身有往在辰

宅有動乘凶將損人乘玄武主逃動乘后陰暗動子
午相加道路馳逐男女爭交課動變遷卯酉相加門
戶相冲或分異失脫更改門戶亥合主盜失淫亂逃
亡改動出入奸細勾陳有私邪外人來寅申相加人
鬼相傷男女夫妻俱有異心巳亥相加事多來去反
覆如重求輕得丑未相加兄弟興衰反覆相持心意
不同謀事未遂辰戌相加悲喜難易貴賤不明不義
之事奴僕逃竄關節不行要曰冲歲支干月建日干
支皆不宜見如歲干甲不宜見申支子不宜見午月

日皆同凶衰宜冲冲散不成事也旺相不宜冲動凶也

破者解散也移也改更之象主有更動事多中輟午破卯門戶破敗辰破丑牆墓寺庫破壞酉破子門戶破損陰小灾戌破未先破後刑亥破寅先破後合申破巳先破後合

要曰冲之類也唯宜散凶事不宜成吉事辰丑酉子亥寅午卯合中之破成而復還四孟見酉四仲見巳四季見丑破碎殺也

又曰衝破大主人情暗中不順婚事亦強成難久出入却應若有喜神吉將凡百艱難然後可遂若空亾乃有聲無形之卦古產胎動主生

害者阻也關也陰陽不通如水壅拂如血未行事多阻滯子加未舉事無終始官非口舌未加子營謀阻滯有灾丑加午官病凶夫妻爭競不和午加丑事不明多不成就寅加巳出行改動退利進阻巳加寅舉事艱難阻口舌憂疑卯加辰事有虛聲爭好艱難阻辰加卯同申加亥先阻後得必無終始酉加戌陰小

凶病凶戍加酉暗有病凶

十二支欲合而對者害之也無和氣只宜守舊主口
舌官鬼人情不足退失財物

鬼者賊也陽以陽爲鬼陰以陰爲鬼鬼多事不美望
事不成凶灾及巳晝鬼公訟是非夜鬼星宿神祇要
曰鬼者五行之精氣入傳皆凶若日旺相及有神制
之則不爲凶占訟官事凶宜細推之占盜自相衝者
捉賊賊主敗合則否落凶不用憂官多傷殘又曰鬼
在日上又作用鬼多不美若內有德神之氣可用望

求官但不合用神及剋日上之神三反覆進退而後成吉凶相半

墓者五行潛伏堙沒之地四時氣絕衰敗之鄉閉塞不通暗昧不振凡占傳墓不吉逢墓卽止甲乙未丙丁戌巳壬癸辰庚辛丑辰未爲日墓丑戌爲夜墓然日墓臨亦作夜墓辰戌爲墓剛猛急速丑未爲墓柔

緩遲延寅加戌巳加子申加卯亥加午傳生入墓自明入

暗如人下井一脚深一脚淺健者昏病者必死行人卽來占賊不獲未加亥戌加寅丑加巳辰加申以墓

覆死凡事先絕了又發公訟斷了又興疾病安了又作事許了又悔占人喜了又怨讐人和了又怒是以人墓退卽再生也申加丑亥加辰寅加未巳加戌以生投墓顛倒錯序朝昏夜醒神鬼相聚夢中險危山水無據疑惑不覺倒起亂沉却爲迷根主占病狂行人失路節逢四孟更新反故要曰丑加申辰加亥未加寅戌加巳名四墓謂生旺入墓事成墓入生旺沉而又舉已廢又行又云墓多主暗昧憂鬱日墓傳生凶變吉中傳見之主進退占病見之者死求財無百

事不稱意冲破者佳合則悔甚凡墓神發用者最不可無氣占病大忌之冲則破不死

德者福也家宅神也善莫大於德惡莫大於刑惟德可以爲吉爲神轉禍爲福無求不吉無吉不遂但逢刑剋則有取舍其名有四

干德者甲巳在寅乙庚在申丙辛在巳丁壬在亥
支德者子日在巳順行十二時

天德者正丁二坤三壬四辛五乾六甲七癸八艮九

丙乙十一十一巽十二庚

月德者正丙二甲三壬四庚周而復始要曰如占症

德與白虎并白虎之德亦不免也支德入傳事成凶散但忌落空其神將外戰及被制傷反凶矣巳巳日德神寅酉爲用神傷日之德不吉矣凡德有慶會合乃成期德合帶龍尤吉德神歸日百凶變吉馳絕鄉又被刑制吉變凶巳爲日德加臨亥上后武夾剋謂滅德主參商餘并以此推之經曰凡德化鬼反吉爲凶如乙德在申申加酉酉上發用酉乃乙鬼被酉挾申並化爲鬼斷曰君子與小人爲黨

合者乾坤匹配奇偶交併二人同心萬事喜美惟不利於凶事主牢固遲疑其名有三

干合者甲巳中正乙庚義仁丙辛威制丁壬姪妖戊癸無情

支合者子合丑丑合子亥合寅亥破戌合卯卯合戌
新辰合酉吉酉合辰離巳合申順申合巳疑未合午
悔午合未虛

三合者亥卯未繁冗駁襍巳酉丑矯革難異寅午戌
黨侶不正申子辰流而必清滯則不竭宜動不宜靜

凡日辰年命若在六合三合固主和合之象若幹事
求文書見合終滯沉不快意不若不見爲妙要曰三
合者主事關乎親朋相識之意剋應過多月牽連遲
遲之象又曰合陰陽夫妻匹配合也凡三傳德與將
相合往無不利如會凶神亦主凶中和合惟論疾更
帶凶將尤甚又曰大抵合則親親則事成占病傳進
而病進出入却如意用順喜美暗合三合六合占失
脫藏匿難獲二陰作合求婚皆合但發用作六合或
刑冲破內吉外凶時下費力終有濟結末有氣合中

有空亾鬼刑害並全望用不和藏禍中有德謂之變
凶爲吉刑害減力可以小用宛轉退或連茹合中剋
日相傷或蛇虎雀喜中有害恐招不足矣多謂之枉
曲意不可望托人不可信直並戊寅合中鬼又忌暗
鬼

起歲年華問

太歲發用其吉凶年內應也假令太歲功曹其將勾陳主年內爭訟田宅玉成

歌云太歲連傳三二
年古時爲用見當先

逢瞻月裏尋

月建發用其吉凶月內應也

辰旬日應

假令今日甲子爲辰課中用起神后其吉凶不出十日內應也

墮日目前

陳

假令甲子日甲爲日用功曹其吉凶只當日應也

氣動瞻分體

假令丙子日立春四

課中用神后其吉凶應一氣如丙子日立春第五日
庚辰寅時占亥將加寅時太乙加庚上剋下為初傳
將得勾陳主財物田宅閉訟官災不出
一氣之內已上發用即立春日內也
候來旬折身

候七十二候也旬十日之數也假令七月初一日甲
申寒蟬為候二日乙酉丑時占事已將申子辰傳送
加辰一上剋下其吉凶不出五日之
內或用功曹亦是受疾內之日也
諸門從此起萬

類若通神

七百二十課
通如神明

妻財相氣論詳神可辨真

春火

相夏土相秋水相季金相假令春月壬癸日占事見
火神發用為妻財主財帛事動若不是財帛則不可
斷也
死言喪禍起
凡死氣動者為喪亡事更與虎剋今
日者的應春土死夏金死秋木死冬
火死季水死假令春月得土發用
更剋今日干者即壬癸日占事
囚動見官刑
春金
囚夏

水囚秋火囚冬土囚凡囚氣動者更剋日為官鬼的
有官事也假令春月甲乙日占申酉發用乘囚將主

官司刑傷也 **休來憂病患** 春水休夏木休秋土休冬金休季火休假令春月丙丁日占事

水動剋日主患乘凶將的然應之也 **諸家卦備陳得旨從天降不悞後**

學人 諸卦見元首五行旺相死休囚際之君子得五行之旨趣分明報吉凶人情物類之事皆因天

降也

恒例

上剋下事起男子下剋上事起女人上剋下憂輕下

剋上憂重將剋神神剋日禍從外來日剋神神剋將

禍從內起伏吟事近反吟事遠比用鄰明昴星剛日

遠行稽留柔日伏藏不出色重八專逆順皆主淫泆

事起女人

姓字

子耳傍

寅走脚

申之遶

子

點水偏傍劉曲亦是

丑

孫田牛及土傍之姓

寅

木傍草頭走脚高趙杜之類

寅

卯加亥子

季李之姓

丑未加亥子

王之姓

卯木傍絲竹千里之姓孫童之類

辰

山丘岳姓土龍

巳

火土偏傍

午

張周火馬

未

楊井田土傍羊

申

張韓袁侯

卯加酉

劉姓

酉

立人金口傍

戌

土點木傍

卯加酉

亦姓劉

子加巳

姓耿

寅加巳

巳

杞姓

丑加巳

紀姓

六合加亥

姓范

太陰加酉

臨寅

姓李

天

姓陳

天

后加子臨子

聶姓

騰蛇加巳

午臨亥子

馮姓

六合加巳

午

姓

午

姓

六合加卯

茅姓

卯酉相加六合

姓

貴人加酉

姓

未加

姓

未加

子

姓張姜

朱雀騰蛇加寅卯

李姓

六合披太陰

邵姓

卯加寅

姓柳

六合加酉

姓關

天罡披勾陳

姓龐

太陰加土

姓周

辰加寅

姓霍

子加寅

姓翟

六合加子

姓孔

太常加子

姓嚴

神后加卯

姓蔣

寅卯相加

姓林

天罡臨丑

姓龐

六合臨酉

姓東

關格

經曰天罡加子爲天關加午爲地關加卯爲天格加酉爲地格凡遇天關所爲之事必因天時所格凡遇地格所爲之事必因地理道路所格或津渡河水而格更以刑害天官消息而言之又曰天罡加四仲關

神加卯酉三爻三傳加天羅地網事皆主格三傳內
戰主內外不相見而格中傳剋初末所幹首尾不相
見而格剛日昴星道路關梁而格春主雨雪冬主霜
雪柔日昴星主潛伏不欲見人而格反吟主人心不
相照而格伏吟主伏藏不欲見人而格地理格者但
下賊上涉害間是也凡涉害中發用如得火神下臨
壬亥涉水路而有格皆如此例

神將所主

登明亥水神雨水後日躔娠訾之次爲正月將

音角壬

寄其上木生其下宮雙魚室壁衛分并州玄武之家其類主幼子盜賊上客奸謀頭腎痺疝獄犴陰私文章圖畫音角取索亡失姓楊朱魯衛于房婁點水字樣頁傍

河魁戌土神春分後日躔降婁之次爲二月將

商音辛

寄其上火墓其下宮白羊奎婁魯分徐州天空之家其類主司直獄吏奴僕足腿牢獄印綬軍器墳墓虫聚屠惡軍卒五穀僧道侵欺鎖鑰枷杻田絲姓土傍足偏

從魁酉金神殺兩日躔大梁之次爲三月將音羽不受

所寄官金牛胃鼎畢趙分冀州太陰之家其類少
女陰貴金玉匠婢婦人夜門金銀精血錢珠銅鐵
刀劍皮毛口耳勞瘵門戶姓劉樂金石金傷口偏
耳傷

傳送申金神小滿後日躔實沈之次爲四月將音微庚

寄其上水生其下官陰陽蕭參晉分益州白虎之
家其類廷尉醫巫僧道銀匠鐵匠鋪兵肺大腸經
絡饋送金銀銅鐵刀劍湖池仇讐斬削猿猴貴客

軍徒疾病逃亡行人姓袁郭劉鄭鄧申晉侯

小吉未土神夏至後日躔鶉尾之次爲五月將徵丁

紀其上木墓其下宮巨蟹井鬼秦分雍州太常之

家其類師巫父母寡婦腕脊酒食衣裳土物醫藥

道人墳墓婦女姓朱秦高羊楊章杜

勝光午火神大暑後日躔鶉火之次爲六月將商不

受所寄官獅子柳星張周分三河朱雀之家其類

婦女宮女使者亭長娼女蠶姑心肋目口吐瀉火

燭是非衣服飲食詞訟信息血光口舌田宅巫者

驚疑姓肖張李柳許周馬馮朱

太乙巳火神處暑後日躔鶉首之次爲七月將

音丙

戊寄其上土生其下官雙女翼軫楚分荊州騰蛇之

家其類匠人厨子爐冶人少女婦人咽喉面齒火

光管簫珠玉金鐵弓弩驚怪毀罵輕狂姓陳石趙

田張楚荆余

天罡辰土神秋分後日躔壽星之次爲八月將

音乙

寄其上水墓其下官天秤角亢鄭分兗州勾陳之

家其類僧人屠卒漁人軍人頑惡皮毛甲肩杻械

五穀土物宰殺欺詐鬪爭凶禍怪異錢物墳墓姓
馬郭喬龍鄭

太衝卯木神霜降後日躔大火之次爲九月將音角不

受所寄官天蠲氏房心宋分豫州六合之家其類
長子術士沙門陰私弟兄大夫日手榮血私門竹
木狐兔母姑賊人姓楊茆朱柳房魯

功曹寅木神大雪後日躔拆木之次爲十月將音甲

寄其上火生其下官人馬尾箕燕分幽州青龍之
家其類丞相夫婿道士貴客脉髮鬼門山林樹木

火炬徵召虎豹公吏家長賓客信息文書喜慶人馬酒食姓韓蘇魯喬林木傷

大吉丑土神冬至後日躔星紀之次爲十一月將

商音

癸寄其上金墓其下官磬蝎斗牛吳分揚州貴人家其類貴人土主長者尼僧福德脾胞小腸庫墓珍寶父母飲食土物咒咀鎖鑰冤讐喜慶禿頭病眼將軍田土姓田孫丘王牛土傷

神后子水神大寒後日躔玄枵之次爲十二月將

商音

不受所寄官寶瓶女虛危齊分青州天后之家其

類后妬婦女屠兒乳母媒妁膀胱淫泆瀉痢江湖
奸邪師巫暗昧水物盜賊珠玉胎產衣服聰明姓
孫齊謝柳耿聶沫漆木

貴神所主

天乙貴人主貴人之事宜見貴上書詔命慶賀賞物
占事則此神爲主事之官病主寒熱驚恐主方圓
五色分明日加辰其物黃白珠玉玕異飲食光明文
章女子首飾變異爲水類鮮魚之象君子拜官小
人公訟

騰蛇主怪異驚恐之事又主虛驚似蛇形之象加日
辰其物亦爲文章金火之精變異爲甘味可食病
熱驚怪

朱雀主口舌文書之專又主文章加日辰其物赤黑
羅網所得變異爲烟火能自相燒衣物梨棗之類
六合主婚姻和合會聚之事又主絲綿木器加日辰
其物五彩竹木金石儀象音聲變異爲可食驢兔
之類

勾陳主鬪爭兵革獄訟刑責之事又主手捧鏘戛加

日辰其物青黑文章木植羅網所得變異金石錢物

青龍主財帛慶賀酒食喜樂之事又主錢物加日辰其物青黑草木衣食之物變異爲文章符璽心曲之物

天后主陰私財帛喜慶之事又主婦女首飾衣物加日辰其物白色繒布之類變異爲林下走獸金石之物

太陰主陰私財帛之事又主金銀器物加日辰其物

黃白爲刃器變異爲野外之物飛鳥之類

玄武主盜賊失脫逃亾之事又主虛空曆象又流傳之物加日辰其物出自水中勾連鱗甲文章

太常主酒食財帛醫藥賞賚之事又主衣服飲食之物加日辰其物黃可食環玩之類變異金石文章毛髮

白虎主刑獄囚繫疾病凶喪之事又主骨刃之物加日辰其物被劍傷死之類

天空主虛空欺詐奸偽之事又主土中結成之物加

日辰其物黃爲印綬金石變異爲空虛臭穢之物

課傳卦體

元首卦一上剋下卦名元首尊制卑貴制賤占事多
順憂喜皆實專以神將定其吉凶事起男子

重審卦一下賊上卑犯尊賤役貴之象占事多不順
一事起女人

知一卦一上剋下一下賊上以比者爲用舍遠就近
舍疎就親恩中有害凡事狐疑

機卦涉害涉深欲用不用欲言不言事有兩而取

一也事主遲疑艱難進退不定難于先而易于後
蒿矢卦神遙剋日名曰蒿矢日遙剋神名曰彈射然
事多主動搖不定人情倒置若帶金土殺足能傷
人占人禍福俱輕求事難成若第二課爲用作事
無力多是外事不干內事凡事不可出尖第三課
凶重有力第四課又無力

虎視卦剛日看酉上所得之神爲用爲虎視轉蓬卦
柔日視從魁所臨神爲用爲冬蛇掩目此論昴星
也占人主事多稽留伏慝陽日如虎精光不息轉

蓬不已陰日如蛇蟄藏掩目不動陽稽留于外陰
伏慝于內

信任卦伏吟支干各歸其位日辰只有兩課用刑以
起傳剛日自任柔日自信占事靜則宜動滯燕匿
不動之象

無依卦反吟陰陽各異其位刑冲破害事滯兩端天
地乖隔兩相違睽而復合返而復往欲動不動動
則擾攘

帷薄卦八專干支共其位陰陽兩課尊卑同處人品

不分凡事憂喜再來事于婦人惟薄不修多有不正也

長幼度厄卦三上剋下爲幼度厄三下賊上爲長度厄長不利于小幼不利于大

無祿絕嗣卦四下賊上爲無祿四上剋下爲絕嗣上下之分貴下忠恕四下賊上爲不忠四上剋下爲不恕

玄胎卦三傳俱孟名曰嬰兒隱伏之象利上不利下事主遠而多伏暗昧不通觸則成禍

三交卦三傳俱仲爲三交又仲日以仲加用一交仲
時四仲加用二交上乘雀合陰后三交主逃隱不
及失節碍阻凡事被人阻破

游子卦三傳俱季名游子與旬中六丁更遇天馬主
其人若不遠行必欲逃亡占捕亡難獲

稼穡卦戊巳日用四季爲傳土氣重主艱難之象主
凡事逼迫不由已出

曲直卦亥卯未木局以水爲根占主先屈後伸亦有
伐斲及木植之事

炎上卦寅午戌火局主多虛少實所占明事反爲暗
· 昧爐冶事來尋

從革卦巳酉丑金局主先從後革將有兵革金鐵之
事可以改更

潤下卦申子辰水局主淹留伏隱中不能靜也亦主
叢襍凡三合課若支干見一神與一傳六合凡謀
必遂全無阻滯

斲輪卦卯加申爲用庚申金爲斧斤卯爲車輪加申
有刻削之象若天將常龍陰合方成其體占有授

除管運事

鑄印卦戌加巳傳內有卯也蓋戌爲印巳爲爐冶卯爲軒車鑄印乘軒得遷擢之象也

高蓋卦子卯乘天馬或龍常爲高蓋乘軒之象占宜進取官祿慶喜之事

亂首贅婿卦日往加辰受剋爲亂首辰來加日被剋爲贅婿亂首下欺其上贅婿上凌其下上下紊亂斬關卦罡魁臨日辰傳有虎陰申酉爲斬關得斷逆者永不獲矣

閉口卦旬尾加旬首爲閉口逆數四神貴玄武凡占多主閉密不能察其機關

刑德卦德者干合也陽德自處陰德附陽刑者寅午戌刑在南申子辰刑在東亥卯未刑在北巳酉丑刑在西君子貴德小人責刑

孤辰寡宿卦地盤空亡爲孤神天盤空亡爲寡宿十干不到之地五行空脫之鄉主人孤獨離鄉背井也

無淫卦四課陰陽不備名曰無淫二女爭男二男爭

女奸生於內夫婦皆不正也

洙女狡童卦天后厭翳六合私門后始而合終之女
隨男奔名佚女合始而后終之男誘女私名狡童
龍戰卦卯酉日占事卯酉上發名曰龍戰主人身心
疑惑進寸退尺動有乖離之象

勵德卦天乙立卯酉之上陰陽二神居前後是也占
人官貴遷擢吏民剝退

三陽卦天乙順治龍合于前末旺生初正時生年名
曰三陽天乙順治一也用王相二也吉將發臨用

三也占百事大吉

三陰卦天乙逆治玄白立于前末旺剋初日辰囚死
正時剋年凡占百事凶

富貴卦天乙發用乘旺相或臨行年月辰傳中有氣
在朝有恩命仕宦陞遷利有攸往

龍德卦天乙太歲在發用傳中主陞官進祿遷擢之
慶

官爵卦天魁乘太常入傳更值歲月日辰四驛馬主
應舉得中仕宦陞官

三光卦用神旺相吉神臨支干有氣末傳又逢吉神
或帶合名三光並照福祐自至殃禍自消

六儀卦六甲旬首見于初傳發用又子日在午丑日
在巳逆行俱爲儀神發用末傳得吉始終喜慶

三奇卦亥子丑分旬發用課中各有正體不必拘于
奇也子戌旬丑申午旬子辰寅旬亥主灾散福臨
始終卦論三傳初末中吉凶

八進五福卦八進一曰用得死氣二曰旺氣所勝三

曰伏仰見其丘仇四曰用凶神將五日用與刑合
六曰三傳下賊上七曰星得凶宿八曰凶將臨日

辰五福一曰初死終旺二曰子母相生三曰始凶終吉四曰用得其救五曰德臨于日

新故卦剛日用起陽及有氣神加日並主氣物類多
是新物柔日用起陰及無氣神加日並主氣物類
多是舊物

吉凶神殺

月德正丙二甲三壬四庚遇而復始見之主百事吉利

解神正二月申三四月酉五六月戌七八月亥九十

月午十一十二月未見之解一切凶灾

天喜春戊夏丑秋辰冬未見之凡事皆喜憂事消散

皇書春

寅

夏

巳

秋

申

冬

亥

見之有徵召之慶

天詔正月

亥

二月

子

三月

丑

俱順

見之有朝廷勅旨

行去

天印正月起

未

順行十二位見之主官祿喜慶

福星甲丙丁在

子

乙庚辛在

丑

戊巳

未

壬癸

巳

見之

求望大慶

天赦春

戊寅

夏

甲午

秋

戊申

冬

甲子

見之解散一切憂危之事

凡事皆利

天馬正月起

午

順行六位陽辰見之主動凡事迅速

望遠卽至

申子辰在寅寅午戌在申巳酉丑在亥亥卯未

在巳歲月日命四者見之主動求官望事出入皆

吉

日德甲巳寅乙庚申丙辛巳丁壬亥戊癸巳見之大

能作福

支德辰前五辰是也子日巳丑日午依此順行與日德同占

奇神甲子甲戌旬在丑甲申甲午旬在子甲辰甲寅

旬在亥見之大吉

儀神甲日午乙日巳丙日辰丁日卯戊日寅己日丑

庚日

未

辛日

申

壬日

酉

癸日

戌

六甲旬首亦謂之

儀神

天德正

丁二

坤三

壬

四辛

五亥

六甲

七癸

八寅

九丙

十一

巳

十二

庚

生氣正月起

子

順行十二辰

遊神春

丑

夏

子

秋

亥

冬

戌

見之占行人必至

戲神春

巳

夏

子

秋

酉

冬

辰

主往來之事見之行人必

至占行人加孟未來加仲方起加季卽至

道路神正月起

申

順行十二辰見之主有出行之事

天魁鬼春

酉

夏

午

秋

卯

冬

子

正月起酉逆行四仲爲

是見之主有鬼魅之事兵戈傷人

火鬼春

午

夏

酉

秋

子

冬

卯

見之主火災怪異

天目春

辰

夏

未

秋

戌

冬

丑

見之主怪異之事占宅有

鬼及伏屍

月厭正月起

戌

逆行十二辰與火光煞同見之主怪

異

夢驚呪咀不明之事

月建正月起

寅

之類見之主建置初新之事

孤辰寡宿六甲旬中空亡是也陽爲孤辰陰爲寡宿

瘦玄齋 八卷之九

五十六

春三月巳孤 丑寡 夏三月申孤 辰寡 秋三月亥孤

未寡 冬三月寅孤 戌寡 見之囚禁者勝病者解占

信虛失物難尋

飛廉正戌二巳三午四未五申六西七辰八亥九子

十丑 十一寅 十二卯 見之主非常驚駭之事求事

迅行人立至

天醫正月起子逆行四仲

地醫正月起子 順行十二辰

日醫甲巳在卯 乙庚在亥 丙辛在丑 丁壬在未 戊癸

在巳以上三辰占病見之大吉

管神春

丑

夏

辰

秋

未

冬

戌

齋神春

巳

夏

申

秋

亥

冬

寅

金神煞四孟月

酉

四仲月

巳

四季月

丑

見之有破碎

之禍

三煞

劫天災
爲三煞

寅午戌在

亥子

亥卯未

申酉

申子辰

在

巳午
未

巳酉丑在

寅卯
辰

劫殺第一支是也通下二

支爲三煞

大煞正月起

戌

逆行十二辰見之主天災

癸亥齋

入卷之九

五十七

小煞正月起那順行六陰辰即那巳未是見之主盜賊

大耗小耗太歲前五辰爲小耗對冲爲大耗見之主

耗散諸事不利

劫煞正月起亥逆行四孟即寅申巳亥是見之主劫煞盜宜

張捕君子頗吉

天煞正月起逆行四季即辰戌丑未是見之併朱雀剋日主

怪異

突煞正月起子逆行四仲即子午卯酉是

生氣正月起子順行十二辰

成氣正月起午順行十二辰

成神正巳二申三亥四寅寅遇而見之凡事成就

復始

迷惑煞正月起丑逆行四季見之主凡事昏迷

三丘春丑夏辰秋未冬戌見之主墳塋之事不宜占

病

五墓春未夏戌秋丑冬辰

喪車春酉夏子秋卯冬午

喪門正月起未逆行四季

吊客正月起子順行十二辰

浴盆春

辰夏未

秋戌冬丑

灰氣神正月起

巳順行十二辰見之占病主凶

遊魂煞正月起

亥順行十二辰見之主夢中飲食得

病又主怪異

天鬼正月起

酉逆行四仲見之怪異刀兵之應

關神春

丑夏辰

秋未冬戌

見之主阻滯灾占訟尤忌

飛禍春

申夏寅

秋巳冬亥

天鼠正月起

子逆行十二支見之主虛耗鼠怪

游都甲巳日

丑

乙庚日

子

丙辛日

寅

丁壬日

巳

戊癸

日申見之主盜賊發動又占賊來與行人來

鑰神春秋辰夏冬未見之占獄訟必出

月鬼煞正月起未逆行十二辰

上下喪門上喪門正月起辰順行四季下喪門正月

起未逆行四季

墓門煞正月起亥逆行四孟

天刑煞春酉夏子秋午冬戌

天獄煞正月起子順行四仲

天牢煞正月起子順行十二辰

勾陳煞正月起

丑

順行十二辰見之主鬪訟陰謀口

舌天機煞同

陰陽煞陰煞正

巳

逆行十二辰陽煞正

亥

順行四孟

見之陰主陰人口舌陽主陽人口舌

天罡煞正月起

寅

順行四孟見之主尊卑失序上下

不和

四盜煞四時盜春

巳

夏

卯

秋

酉

冬

子

六甲旬盜旬前

一辰是也日盜甲巳乙庚

亥

丙辛

卯

丁壬

申

戊癸

巳

天盜春

巳

夏

午

秋

酉

冬

子

見之主劫盜之事不

宜出行

天賊正月起

辰逆行四季

亡神煞支亡神寅午戌在

巳巳酉丑在

申申子辰在

亥亥卯未在

寅見之主有遺脫走失之事

旬亡神甲子旬

未逆行六陰

天猴煞正月起

申逆行十二辰見之與後二煞俱主

出行車損船翻

天車煞春

丑夏

辰秋

未冬

戌

天坑煞正月起

丑順行十二辰

火怪煞火怪正月起

戌

逆行四季

火光正月起

戌

逆行十二辰見之主宅舍火光驚怪

哭神春

未

夏

戌

秋

丑

冬

辰

見之主哭泣

血支血忌煞血支正月

丑

順行十二辰

血忌正月

丑

二月

未

三月

寅

四月

申

五月

卯

六月

酉

七月

辰

八月

戌

九月

巳

十月

亥

十一月

午

十二月

子

見之

陽人血光女人墮胎

奸煞奸鬥正月起

申

順行四孟

奸神春

寅

夏

亥

秋

申冬

見之主奸淫之事

歲煞正月起

未

逆行四季見之所占吉凶之事皆速

月合煞正月

辛

二月

巳

三月

丁

四月

乙

週而復始

見之喜

慶卽天赦書也

月厭煞正月

戌

逆行十二辰見之主呪咀禳厭不明

占病不安

書信煞正月起

酉

順行十二辰見之主遠信必至

謾語煞正月起

午

順行十二辰見之主人言妄誕

四廢煞春

酉

夏

子

秋

卯

冬

午

見之主百事成空

天耳煞春

角

夏

井

秋

本

冬

斗

所臨之地宜打聽消息

疾病煞卽病符煞於逐年太歲後一辰是也見之主
疾病

天鷄煞正月起酉逆行十二辰見之主書信

會神正未二戌三寅四亥五酉六子七丑八午九巳

十卯十一申十二辰見之主婚姻和合之象

伏殃煞正月起申順行十二辰見之主灾禍

枯骨煞正月起辰順行十二位見之伏屍禍害

往亡正寅二巳三申四亥五卯六午七酉八子九辰

十未十一戌十二丑見之不宜出行

天巫正月起辰順行十二位見之主巫覡禱祀之事

天地轉煞春卯夏午秋酉冬子見之不宜出行

直符甲巳乙辰丙卯丁寅戊丑己午庚未辛申壬酉

癸戌

破碎煞寅申巳亥在酉子午卯酉在巳辰戌丑未在

丑見之主破壞事務費事費力

產煞正五九寅二六巳三十七申四八十二亥

見之有生產之事

邪鬼煞正五九辰二六丑三十七戌四八十二

未見之主邪魔外道

天怪煞正月起

丑

順行十二辰見之主人家見怪驚

恐

天狗煞正月起

戌

逆行十二辰見之主人家吠噪釜

鳴驚恐

邪怪煞正月起

子

順行四仲見之主家宅怪物驚恐

天地煞天煞春

辰

夏

未

秋

戌

冬

丑

主狐疑驚憂地煞

是劫煞前五辰是也

如劫在亥順數至辰是地煞

主道路阻隔

天咒煞正月起

酉

逆行四仲主有呪咀之事

稼穡煞甲乙日

丑

丙丁日

辰

戊巳日

未

庚辛壬癸日

戌主有五穀收成之喜

懸索煞正月起

卯

逆行四仲主有縊亡之事

長索煞正月起

子

順行四仲主盜賊懸索而入以取

財物

天猪煞正月起

亥

逆行十二辰主亡猪畜

將軍煞寅卯辰年在

子

巳午未年在

卯

申酉戌年在

午亥子丑年在

酉

占行人近者不利

千萬里遠者用此占有驗

風雨雷電煞

風煞正月起

寅

逆行十二辰見之主

風 雨煞正月起

卯順行四仲見之主 雨

雷電

煞正月起

巳順行四孟見之主 雷電

月符春

辰

夏

未

秋

戌冬丑 見之主陰

石煞正月起

戌

逆行十二辰見之主有石塊之應

門煞正月起

戌

順行十二辰見之主門戶之事

墳墓煞正月起

丑

順行十二辰見之主墳墓之事占

宅主有伏骨

井煞正月起

未

順行十二辰見之主井泉之事逢死

氣有落井之災

亡煞正月起子順行四仲見之主病兒女

瓦煞正七巳二八子三九丑四十寅五十一卯六十酉

二辰見之主瓦磁器之事來應

九鬼煞乙戌巳辛壬日配子午卯酉

應期神

用傳申酉戌神期亥子還從丑上推寅卯不離天罡
位方知巳午未當時土神四季前爲應此訣傳人可
指迷

如用起申酉以戌上所得神爲應期用起亥子以

丑上所得神爲應期他倣此

亥爲登明 四數

作貴臨寅爲寶殿不作貴臨寅爲樓臨卯爲臺臨
巳爲管籥臨甲乙爲母庚辛日爲子甲乙日作天
空臨巳爲廁臨辰爲哭作玄武臨亥爲盜臨天馬
爲馬作太陰主陰邪作亥后爲奸神作貴六臨巳
午爲木合未卯臨子午溺水臨日爲頭陽日加申
陰日加未爲足本位爲天門本屬爲猪

戌爲河魁 五數

本名天魁分爲天人二作鬼見勾陳隨類有爭臨
寅爲吏作玄武爲厭神本屬爲狗爲奴作勾陳臨
寅爲獄加四季爲衆作騰蛇加季巳午爲窰冶作
白虎發用爲墓作勾陳加申酉爲石禽屬爲狼作
玄武臨刑爲枷杻

酉爲從魁 六數

作白虎臨孟爲邊遠作天后臨旺爲賞作太常加
寅爲鋼鉛作太陰加亥子爲玉本屬爲鷄爲婢作
天空臨休衰爲媿賤加奸門爲陰私臨旺相爲少

女作六合臨寅申爲妮本門方爲門作青龍加卯
爲變作太陰加三合爲錢

申爲傳送 七數

本屬爲猴爲道路神作勾陳爲兵作六合爲醫作
天空青龍加孟爲僧加三合之首神爲元帥作白
虎爲道路爲出作玄武臨寅卯爲石臨四仲爲刃
作六合加戌爲遠來作白虎臨寅卯爲客旺爲金
衰休爲銅鐵作太常加巳午爲市戌巳日爲子孫
臨刑爲刀劍

未爲小吉 八數

本屬爲羊爲風伯作龍后臨寅卯爲麻甲乙日角
姓爲墳地作朱騰臨亥子爲蝗虫臨巳午爲天耳
作太常青龍爲酒食

午爲勝光 九數

本屬爲馬心甲乙日爲兒作勾陳臨申酉爲兵作
太常臨申酉爲厨作朱雀臨寅爲文見亥爲心疼
作朱雀臨子小腸患作太常臨卯爲豆

巳爲太乙 四數

本屬爲蛇爲爐冶作六合臨空爲井竈作勾陳臨
子亥爲泥作騰蛇臨本位爲犬臨卯爲小豆作勾
陳臨寅卯爲兵

辰爲天罡 五數

本屬爲龍爲獄神作天后臨亥爲海水作白虎加
死地爲屠作玄武加巳爲井作太常加亥子爲布
作太陰加申爲石作白虎加亥爲悲作玄武加酉
爲甲

卯爲太冲 六數

本屬兔爲門爲雷作六合臨寅申爲術人作青龍
臨旺爲車船加同類木竹作天后加丑未爲米作
騰蛇臨巳午爲驢作朱雀加巳爲卵加辰爲戶爲
橋梁作玄武天空加戌酉爲逝作騰蛇加空爲聲
寅爲功曹 七數

本屬爲虎爲貓作朱雀加卯爲文章作騰蛇加午
爲五色作六合爲信作天后加申爲僧作朱雀加
申戌爲吏作天后加未爲醫作白虎加戌爲火作
白虎加申爲風作玄武空加巳爲道人煉丹

丑爲大吉 八數

本屬爲牛爲丘作貴人加寅爲寶殿作青龍加亥
子爲橋見土爲田作貴人加旺相爲珍珠作騰蛇
加子午爲雨師作朱雀加寅爲表奏作太常加申
酉爲天街

子爲神后 九數

作天后臨寅卯爲絲作天空加卯申未爲邪師作
六合貴人加申亥爲僧作天空加亥爲眼奸門加
卯爲奸私加寅申爲道本屬爲鼠

太陽躔次十二宮圖

查官曆如正月某

四

實沈申

日某時某刻日躔

月

三
大梁酉

二
降婁戌

正
姬訾亥

姬訾之次卽以亥

五

鶉首未

官起正月逆行十

月

二十
玄枵子

二月爲准如太陽

六

鶉火午

未到躔次之官還

月

十一
星紀丑

作十二月子宮玄

七

鶉尾巳

枵用事餘倣此

月

八
壽星辰

九
大火星卯

十
柝木寅

十二宮月將圖

起例如太陽躔玄枵

之次神后卽爲十二

月月將假如甲子日

寅時用事以神后子

將加寅順輪尋本日

陽貴人丑加卯陰貴

人未加酉秘訣

酉戌亥子

丑寅時用陰貴人卯辰巳午未申時用陽貴人做此

傳送申從魁酉
漸魁戌登明亥

小吉未

神后子

勝光午

大吉丑

太乙巳

天罡辰太冲卯
功曹寅

十干寄宮課傳圖

四課三傳起例 如正月月
將登明甲子日甲子時亥將
加子甲于課寄寅天盤丑加
寅爲一課丑官天盤子加丑
爲二課子支天盤亥加子爲
三課亥官天盤戌加亥爲四
課二下剋上子爲初傳亥中
傳戌末傳卽以初傳爲始次
中傳終末傳是爲三傳仍有
九宗門起法不同此例

庚 寄 申	丁 寄 未	丙 寄 巳	戊 寄 巳
酉 寄 辛	子 宮 天 盤 爲 二	午 以 亥 官 天 盤 爲	乙 寄 辰
戌 寄 壬	子	亥 官 天 盤 爲	甲 寄 寅
亥	子	丑	寅

十二貴神陰陽順逆圖

貴人賤蛇朱雀六合勾陳青龍
 天空白虎太常玄武太陰天后
 假如正月甲子日寅時用事即
 以亥將加寅順輪陽貴丑加辰
 陰貴未加戌故日陰時用陰貴
 未加戌即戌官起貴逆行賤酉
 朱申六未勾午青巳空辰白卯
 常寅玄丑陰子辰亥值貴六青
 常陰后六神吉餘六神凶又如
 乙丑日卯時亥將加卯順輪陽
 貴子加辰陰貴申加子故日陽
 時用陽貴子加辰即辰官起貴
 順行賤巳未午六未勾申青酉
 空戌白亥常子亥丑陰寅后卯
 遇貴六青常陰后六神吉餘凶
 他做此

巳	午	未	申
辰	陽時用陽貴	秘訣酉至寅 六陰時用陰	酉 酉宮陽貴戌宮陽貴亥 加順逆行 加順逆行
卯	貴卯至申六		自戌至巳六 身至酉六
寅	丑	子	

壬式推移起課總論

壬式楓天棗地轉天之十二會以加地之十二官象
天之圓以動於上法地之方以靜於下卽易所謂成
象之謂乾效法之謂坤極數知來之爲占也不有地
之靜固無以見天之動然非天之動則無以用地之
靜也一動一靜之間天地之心存焉變化興焉神明
出焉用式之法朝向東南暮向西北以左手洗鬼門
右手持片將加正時視日辰之上以立四課日上神
爲日之陽所得之神爲日之陰辰上神爲辰之陽所

得之神爲辰之陰四課之中察其五行取相剋爲用
洪範初一日五行故五行一日水生數始于水祖于
天乙也剋數繇于火故在人 有火化本于地二也夫
求水之生數火之殺機爲陰陽之大權坎離之交媾
生不始于水則物無自而滋長殺不繇于火則物何
繇而變化故天地之大德曰生而六壬以有剋爲用
者有生則有殺有剋則有用也以十二時乘六十日
得課七百二十以十二將歷十二官爲百四十四變
以逆順數之止有七體其未動之先一效天地支干

同推未始推移曰伏吟體次二天輪左右各差一位
曰退連茹體次三天輪左右各差二位曰逆間傳體

次四天輪左右各差三位曰逆傳胎體次五左右各

差四位曰逆三合體次六各差五位曰德行體

順隔如子

未寅次七已動之極則天之南居地之北地之東見天

之西反覆其道曰反吟體次差八位又是德行體

逆隔

如子巳戌次差九位又是順三合體次差十位又是順傳

胎體次差十一位又是順間傳體

進間順越三間

次差十二

位又是進連茹體八九十一十二之變與六五四

三二數一同故目止有七體也以有剋爲用者所以
取用傳也謂視四課中一上剋下爲始入下賊上爲
不入無剋則取比俱比則取涉害無則取遇剋又無
遇剋乃取昴星與伏吟返吟入專別責也